

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili Timor-Leste/ Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joao.fongtil@gmail.com](mailto:joao.fongtil@gmail.com)/ <https://fongtil.org.tl/>

## Relatóriu Monitorizasaun Vasina Semanál Dala 13 husi 13-17 Setembru 2021

### 1. Introdusaun

Forum ONG Timor-Leste (FONGTIL) kontinua halo advokasia liu husi enkoraja membru ONG sira hodi kontinua halo monitorizasaun ba vasina iha territóriu tomak atu aseguira iha kualidade, efikásia no inklusivu ba retroasaun prestasaun servisu no aseguira comunidade ninia direitu hodi asesu ba informasaun, hasa'e taxa partisipasaun vasina hanesan meius ida hodi kontribui ba prevensaun COVID-19 iha Timor-Leste. Dadus sira ne'e rekolla liu husi ONG sira ne'ebé halo vizita direta ba fatin vasinasaun hodi hare'e no analiza situasaun atuál ne'ebé akontese durante no depois vasinasaun nomós atendentu husi pesoál saúde atu aseguira responde objetivu vasinasaun nian.

Atu responde prosesu vasinasaun la'o ho kualidade no taxa partisipasaun comunidade másimu, FONGTIL kria ona matadalan hanesan: pontuasaun 1. La di'ak, 2. Ladún/natoon no 3. di'ak/di'ak liu), atu nune'e kada semana ita bele hatene mudansa signifikante no problema ne'ebé hasoru hodi hadi'a ba futuru.

No	Pergunta sira
1.	Oinsá esforsu hodi hasa'e konsiénsia comunidade nian kona-ba importánsia simu vasina?
2.	Oinsá prosesu atendentu pesoál saúde iha facilidade saúde sira?
3.	Oinsá preparasaun lojistik no ai-moruk vasina nian iha facilidade saúde, sufisiente?
4.	Oinsá ho apoia husi líder komunitária sira ou parte relevante sira hodi hasa'e taxa partisipasaun iha vasina?
5.	Oinsá taxa partisipasaun comunidade nian iha vasinasaun?
6.	Oinsá perspetiva comunidade, ou parte relevante sira kona-ba vasina iha fatin ne'e?
7.	Husi monitorizasaun sira mak halo ona iha tempu sira liu ba oinsá ho ninia progresu?

Nune'e iha loron 13 to'o 17 Setembru 2021, membru Forum ONG Timor-Leste (FONGTIL) hamutuk 18 maka halo ona monitorizasaun iha munisipiu Lautem, Aileu, Bobonaro, Ermera, Baucau, Viqueque, Manatuto, Dili, Liquiçá, Ainaro no Covalima ne'ebé kobre facilidade saúde ou sentru saúde 36 ho nia Detallu hanesan tuir mai ne'e:

Naran ONG	Fatin Monitoring	Municipiu
ARTC	Sede Suku Manucassa	Aileu
	Suko Faturilau	
	Suko Fahisoi	
Juventude Inovativu (JI)	Klinika Maternidade Fatumeta	Dili
ANCT-TL	Sentru Saúde Vera Cruz	
SHC	Sentru Saúde Comunitaria Becora, Suku Becora,	
AUFD	Sentru Saude Bukoli	Baucau
	Sentru Saude Uailili	
	Sentru Saude Riamari	


Fundasaun Uma PAS Baucau	Sentru Saúde Postu Laga, Suku Soba	
Klua Haberaun Komunitade (KHC)	Centro Saúde Posto Uatulari	Viqueque
	Postu Saude Bahalara Uain, Suku Bahalara Uain	
	Posto Saúde Uaitame, Suku Uaitame	
	Postu Saude Luca, Suku Luca	
	Postu Saude Bibileo, Suku Bibileo	
	Postu Saude Uma Quic, Suku Uma Quic	
	Posto Saúde Uasupa, Suku Matahoi	
IMI	Sentru Saude Letefoho	Ermera
HDI	Aldeia Tahobate, Suco Tokoluli	
	Posto Saude Matata	
ONG SJME	Centro Saude Postu Ermera Vila	
Fundasaun Haburas Moris	Sentru Saúde Balibo Villa	Bobonaro
	Sentru Saúde Cailaco Suku Miligu	
	Postu Saúde Ritabau, Suku Ritabaou	
Asosiasaun Moris Foun ( AMF)	Sentru Solugolo, Suku ,Holsa	
Radio Komunitade Tokodede	Postu Saude Manatuto Vila	Manatutu
Associação KADORAS	Sentro Saude Maubara	Liquica
FUNERO	Sentru Saude Liquica Vila	
A.HFTL	Sentru Saúde Lospalos suku Fuiloro	Lautem
	Posto Vasinasaun Iradarate	
	Posto Vasinasaun Larimi, Cainliu	
Centro Komunitade Covalima	Centro de saude iliomar	
Fundasaun NAFOFILA	Klinika Suai villa suku Debos	Covalima
	Centro Saude Ainaro	Ainaro

## 2. Analiza no Deskobrementu


### 2.1. Analiza jerál

Husi apresentasaun dadus jerál kada fatin vasinasaun hatudu katak Suku Uaitame, Bibilio, matahoi, Colgoa mak valor ki'ik liu kompara ho fatin monitorizasaun 32 sira seluk, maibé husi komentáriu sira no rekomendasaun sira mak rekolla husi IMI (Letefoho), FHM (Balibo no Cailaco), HDI (Railaco Matata, Tokoluli), ARTC (Aileu -Manucassa), KHC (viqueque Sentru Saude Uatulari, Bibilio) hatudu katak partisipasaun komunitade mak la iha nune'e la konsege iha atividade vasinasaun. Iha sorin seluk monitorizasaun mak hala'o husi Rádiu Komunitade Tokodede iha Maubara, ONG AUFD iha Baucau, CCC iha Covalima no A.HFTL iha Iliomar hatudu iha resposta pozitivu mak pergunta 7 hanesan esforsu sira, atendentu, preparasaun lojistiku apoiu lider komunitade, taxa partisipasaun, perspetiva komunitade no follow up ba monitorizasaun hotu-hotu prienxe, kuaze 100% resposta hotu-hotu di'ak.

**Gráfiku 1: Valor Médiu kada Fatin Vasinasaun**




**Gráfiku 2: Persentajen ba Kritériu Jerál Monitorizasaun nian**



Husi kritériu jerál monitorizasaun nian husi fatin vasinasaun 36, hatudu progresu di'ak iha pergunta dahat kona-ba apoia husi lider komunitária no pergunta daruak kona-ba prosesu atendentu pesoál saúde iha fasilidade saúde sira, pergunta ne'ebé sei presiza fó atensaun barak liu iha futuru mak kona-ba pergunta dahuluk kona ba hasae konsensia komunidade ba vasina, datoluk kona ba preparasaun lojistiku no

aimoruk vasina nian iha facilidade saude, dalima kona ba taxa partisipasaun , dane'en kona ba prespektiva comunidade kona ba fatin vasina no dahitu kona-ba kona-ba oinsá progresu no follow up ba rekomendasaun husi monitorizasaun liu ba.


## 2.2.Partisipasaun Jerál




Iha periodu semana lora 13-17, Setembru, iha partisipasaun mak aas tebes, husi fatin monitorizasaun 36 mak ekipa halo monitorizasaun deskobre membru comunidade total hamutuk 5036 mak participa iha vasinasaun. Rezultadu monitorizasaun ba fatin vasina iha munisipiu 11 hatudu taxa partisipasaun bot liu iha munisipiu Dili prienxe 38%, tuir fali mak hanesan Liquiçá ho 14%, Covalima ho 13%, enkuantu iha munisipiu seluk iha

semana ne taxa partisipasaun ki'ik liu kompara ho semana kotuk nian. Númeru comunidade ba simu vasina Doze Daruak barak liu, ida ne'e akontese iha munisipiu Dili, bobonaro, baucau,viqueque, Covalima, Lautem, kompara ho sira ne'ebé ba simu vasina Doze Dahuluk maibé iha munisipiu ermera no liquica,Ainaro doze 1 ne'e sa'e maka'as liu.

Gráfiuku 3: Total Taxa Partisipasaun Komunitade Simu Vasina Tuir Munisipiu



#### Gráfiku 4: Partisipasaun Feto no ema ho Defisiénsia



#### Partisipasaun Feto, mane no ema ho Defisiénsia

Haree iha gráfiku partisipasaun feto no ema ho defisiénsia hatudu númeru mak laiha diferente, tantu iha vasinasaun doze primeiru no vasinasaun doze segundu. Enjerál partisipasaun feto tun liu kompara ho partisipasaun mane sira, tanba semana númeru partisipasaun barak liu mai munisipiu, Liquica no Lautem, nune'e Liquica prienxe feto 368 (35% feto husi total populasaun mak tuir vasina iha munisipiu Liquica) ou 51% husi total feto mak participa durante loron 13-17 Setembru kobre fatin

monitorizasaun 36. Iha sorin seluk partisipasaun ema ho defisiénsia hamutuk na'in 10 mak participa iha munisipiu Viqueque, Dili no Aileu ida ne'e hatudu indikasaun pozitivu maske nune'e presiza fó atensaun nafatin liu-liu iha munisipiu sira seluk.

### 3. Konkluzaan no Rekomendasaun

Husi Rezultadu monitorizasaun ne'ebé hala'o ba sentru vasina 36 iha munisipiu 11 iha semana ne'e husi 13-17 Setembru 2021 hatudu katak iha progresu pozitivu tuir pergunta sira mak ekipa monitorizasaun husu, hanesan deskreve ona iha leten katak fatin vasinasaun balun ninia dezempeñu di'ak tebes, ezemplu hanesan iha Cainliu Iliomar no Bucoli, iha sorin seluk haree husi avaliasaun jerál tuir kritériu jerál iha progresu pozitivu kona-ba apoiu husi lider comunidade sira no atendentu pesoál saúde sira maski persentazen kiik maibe iha mudansa. Maske nune'e sei iha preokupasaun sira mak mosu husi monitorizasaun hanesan:

1. Iha Sentru Saúde Railaco no suku matata, atendentu iha fatin ida ne'e la'o nafatin maibé partisipasaun comunidade menus tanba ho informasaun mak espalla katak ema mak simu ona vasina doze daruak sei la livre hodi halo movimentu ba mai, pergunta hanesan mai Sentru Vera Crus no sentru saude sira iha municipiu sira seluk.
2. Sei fatin lubuk ida inklui Sentru Saúde Cailaco, Suku Miligu mak comunidade sira apresenta katak sira hakarak vasina tanba bele halo movimentu livre, kona-ba importante husi vasina ba saúde ema balun kompriende no balun fali seidauk no balun fali comunidade sei trauma atu simu vasina, no iha fatin balun hanesan iha Uailili comunidade la participa nune'e laiha atendentu.
3. Ai-moruk sempre to tarde tanba limite husi atendentu pesoál sira fahe la to atu bele ba postu saúde sira, no dala ruma comunidade sira hein kleur iha facilidade saúde bele hein pesoál saúde sira. Husi Monitoring iha preokupasaun husi comunidade hato'o ona ba pesoál saúde sira tanba ho informasaun ne'ebé mak espalla iha media sira, no comunidade sira balu uza máskara no balu la uza, laiha Distánsia Social.

4. Iha Postu Saúde Iliheu Manatuto, Tuir ami dala lia ho xefe do Suco sira dehan povu barak mak simu ona Vasina tanba ekipa saúde sira tun direta mai iha Suco iha fulan kotuk maibé problema mak: Bee hodi fase liman, nomós laiha asesibilidade hanesan iha Vera Cruz, no iha sorin seluk hanesan iha Postu Saúde Uatulari Antigu jeleira aat fó impaktu ba atendimentu servisu vasina nian nune'e mós menus ai-moruk.

**Rekomendasaun sira:**

1. Maske apoiu lider comunidade sira hodi promove partisipasaun comunidade atu simu vasina aas ona maibé ida ne'e prezisa nafatin kometimentu pesoál saúde, lider comunidade sira hodi nafatin foti lideransa no kolaborasaun ba promove partisipasaun comunidade, e possibilidade aproximasaun liu husi instituisaun Igreja (Fortifika rekomendasaun semana kotuk nian).
2. Iha fatin balun matéria promosaun no kampaña sira hatuur ona iha broxura, ida ne'e meius di'ak hodi halo promosaun no kampaña ba hasa'e partisipasaun comunidade. Dala ruma mós prezisa uza número dados total ema sira mak participa iha vasina primeiru no segundu, hodi atraí liu tan partisipasaun, ho nune'e bele hasa'e koñesimentu, hadook lia bosok, inklui komunikaun ba desizaun governu nian.
3. Fó atensaun jestaun tempu, atensaun ba facilidade no lojistiku sira importante tebes, hanesan bee moos, facilidade faseliman, jeleira ou cool box rai ai-moruk nian importante tebes atu aseguara qualidade ai-moruk no hasa'e partisipasaun.
4. Asesibilidade, hanesan mensiona iha leten iha Postu Saúde Iliheu no Vera Cruz, Becora nomosiha sede suku sira barak la iha asesibilidade no sentru vasina iha suku sira area remotas no rural , importante tebes, nune'e husi atu nafatin servisu entre sentru/postu saúde ho lider comunidade inklui servisu hamutuk ho organizaun ema ho defisiénsia hodi promove partisipasaun ema ho defisiénsia no Presiza kria kondisaun atu ema ho defisiénsia bele asesu vasina iha fatin hotu iha Timor laran tomak.
5. Persija halo kolaborasaun ho Igreja hodi aseguara taxa partisipasaun comunidade bele aumenta hodi aseguara prevensaun COVID-19 neébe efektivu.
6. Prosesu atendimentu vasina iha sentru Vera Cruz la'ó hanesan baibain, la tuir tempu, lamentasaun mós mosu iha Uma ki'ik Viqueque comunidade gasta tempu barak hodi hein.
7. Presiza hasa'e liu tan kampaña ba fatin rural sira, no iha facilidade saúde kona-ba regra vasinasaun, kria kondisaun no organiza distánsia sosiál iha fatin vasinasaun nian. Tarjetu kampaña ba Timor tomak liu-liu iha Bobonaro Suku Holsa no Suku Manapa.
8. Presiza hasa'e rekursu ema hodi kobre fatin dook sira, liu husi kooperasaun ho lider comunidade, inklui kampaña hodi halakon rumores no harii fali konfiansa povu mai facilidade saúde sira, hanesan iha Postu Saúde Letefoho, Railaco no fatin sira seluk.
9. Kompleta facilidade ijiene nian iha facilidade saúde, sentina, fatin observasaun no kadeira hodi fasilita comunidade sira bele sente konfortavel iha fatin vasinasaun, liu-liu hanesan Sentru Saúde Uailili no Sentru Saúde Riamari.